

Ich ben su jähn ne Kölsche Jung 3:58

Text und Musik: Ulli Schorn / Siegfried Weile
Verlag: Floh Dur Musikverlag

**Refr. Ich ben su jähn ne Kölsche Jung
un sin ich d'r Dom
mäht mi Hätz ene Sprung
un luur ich noh bovve
un atme deef in
dann dank ich däm Herjott
dat ich ne Kölsche Jung ben**

1. Str. Die Aaldermaatsgässcher dat Huhe-Stroß Jewöhl
bedügge för mich mi Heimatgefühl
die Kneip op d'r Ecke wo ming Sproch mer sprich
et jit op d'r Welt nix schöneres för mich

Refr. Ich ben su jähn ne Kölsche Jung

2. Str. D'r decke Pitter de Wiever am Maat
sin urkölsche Tön de jehöre zor Stadt
wie Himmel un Ääd Flönz un Halven Hahn
Willi Ostermanns Leeder die mer su jään hann

Refr. Ich ben su jähn ne Kölsche Jung

3. Str. Un dann eines Daachs do ess ed su wigg
do säht mir d'r Herjott Jung för dich es et Zick
un als letzte Wunsch do frooch ich en dann
ob ich vorher beim Früh noch flöck Kölsch drinke kann

Refr. Ich ben su jähn ne Kölsche Jung

**Refr. Ich ben su jähn ne Kölsche Jung
met nem ech kölsche Mädche
bliev ming Levve en Schwung
un sin ich d'r Altstadt
un sin ich d'r Rhing
//:dann dank ich däm Herjott
dat ich ne Kölsche Jung ben://**